













高皇帝側室  
之子非文帝  
誰肯自說出  
卽此一語便  
可感動蠻夷  
矣

# 文帝賜南粵王尉佗書

皇帝謹問南粵王甚苦心勞思朕高皇帝側室之子  
棄外奉北藩于代道里遼遠壅蔽樸愚未嘗致書高  
皇帝棄羣臣孝惠皇帝卽世變文亦略高后自臨事  
不幸有疾日進不衰以故諄暴乎治要感動之又諸  
呂爲變故亂法不能獨制廼取他姓子爲孝惠皇帝  
嗣賴宗廟之靈功臣之力誅之已畢朕以王侯吏不  
釋之故不得不立說得有體今卽位乃者聞王遣將軍隆  
慮侯書求親昆弟請罷長沙兩將軍朕以王書罷將  
軍博陽侯親昆弟在真定者已遣人存問修治先人

他欲求親昆  
弟罷兩將軍  
今只罷將軍  
博陽侯獨昆



第在真定者  
使人存問是  
二事各從其  
半蓋威德兼  
盡之道也  
側乎仁人之  
言  
既歸之事又  
歸之高皇帝  
尤為得體

冢前者聞王發兵于邊為寇災不止當其時長沙苦  
之南郡尤甚雖王之國庸獨利乎必多殺士卒傷良  
將吏寡人之妻孤人之子獨人父母得一亡十朕不  
忍為也朕欲定地犬牙相入者以問吏吏曰高皇帝  
所以介長沙土也朕不得擅變焉吏曰得王之地不  
足以為大得王之財不足以為富服領以南王自治  
之雖然王之號為帝一作轉着在兩帝並立亡一乘之  
使以通其道是爭也爭而不讓仁者不為也願與王  
分棄前患彼此共棄終今以來通使如故故使賈馳  
諭告王朕意王亦受之母為寇災矣上褚五十衣中



褚三十衣下褚二十衣遺王

以綿裝衣曰褚上中下者綿多少輕重之差也

願王聽樂娛憂存問鄰國

謂東越及甌越等

樓昉曰委曲回護不自尊大而所據者正所以感

動而諷諭之者深矣讀文帝此書非但忠

厚惻怛能服夷狄之心又且明白正大得

待夷狄之體

陳仁子曰服人之道以真實相向不必以浮虛相夸

文帝以大漢專力攻一南粵此建瓶之執

也帝處此時再三開諭略不較強弱初言

側室之子抑何卑也繼稱南粵爲王抑何



遜也他日南粵奉書稽顙稱臣之不暇鳴  
呼文帝一念之直人自懾服其下何待粉  
飾大言劫以威而脅以執者世之人主待  
臣妾亦焉用虛言相誇哉

張以忠曰孝文專尚德化寢兵息武休養元元日不  
暇給至于撻代外夷之念絕不復萌故趙  
佗稱叛止以德音諷諭開心見誠彼自感  
激懾服何必鞭箠耀武且何必風覽威德  
也噫文德柔遠如此而又有窮兵徼外困  
我中朝赤子者亦獨何哉



遺匈奴書

冒頓死子稽  
弼立號老上  
單于歲入邊  
殺掠人民漢  
患之使使遺  
單于書單于  
亦使使報謝  
孝文後二年  
使使遺匈奴  
書云云

猶前書事在  
敘前之意得  
尊中朝體

皇帝敬問匈奴大單于無恙。使當戶且渠雕渠難郎  
中韓遼遺朕馬二匹。已至敬受。當戶沮渠者一人為  
二官雕渠難者其姓  
先帝制。長城以北。引弓之國。受令單于。長城以內。  
冠帶之室。朕亦制之。使萬民耕織射獵衣食。父子毋  
離。臣主相安。俱無暴虐。今聞漂惡民貪降。漂惡民謂  
邪惡不正  
之其趨背義。絕約忘萬民之命。離兩主之歡。然其事  
已在前矣。書云。二國已和親。兩主驩說。寢兵休卒。養  
馬。世世昌樂。翕然更始。朕甚嘉之。聖者日新。改作更  
始。使老者得息。幼者得長。各保其耆。領而終其天年。



御字上疑有  
有字不然衍

使字

歲予以物始  
此然亦以地  
寒為辭

廓然天覆地  
載之言

朕與單于俱繇此道順天恤民世世相傳施之無窮  
天下莫不咸嘉使漢與匈奴鄰敵之國匈奴處北地  
寒殺氣早降故詔吏遺單于秋蓂金帛綿絮他物歲  
有數今天下大安萬民熙熙獨朕與單于為之父母  
朕追念前事薄物細故謀臣計失皆不足以離昆弟  
之驩朕聞天不頗覆地不偏載朕與單于皆捐細故  
俱蹈大道墮壞前惡以圖長久使兩國之民若一家  
子元元萬民下及魚鼈上及飛鳥跂行喙息蠕動之  
類莫不就安利避危殆故來者不止天之道也俱去  
前事朕釋逃虜民謂漢人逃匈奴者單于毋言章尼等皆匈奴降



漢者朕聞古之帝王約分明而不食言單于留志天下大安和親之後漢過不先單于其察之

真西山曰按此書皆大哉王者之言非後世所及

劉辰翁曰只漢過不先四字見得負約常在單于

黃震曰漢世綏御之方惟文帝爲得帝初卽位使

告諸侯四夷從代來諭盛德焉且因高惠之舊量時度宜與匈奴復修和親一切與之相安雖尉佗自帝亦溫辭以感服之德至渥矣匈奴或背約入寇逐之出塞卽止曲常在彼而不在我煙火萬里之樂繇此



基之使終漢之世待夷狄皆如帝豈有兵連禍結海內蕭然之害哉

張以忠曰溫醇和婉肫篤愷至旣足感激夷情又不失中國尊嚴體統雖三代盛王布令陳辭當不過此後世人主告諭夷狄者可以爲法



除肉刑詔

蓋又除肉刑之法開後世

仁恕之端雖

堯舜禹湯文

武無以過也

孝文仁者之

言好生之德

可以為工古

法

漢文帝之除

肉刑唐太宗

之禁管背仁

心德政千古

同符

斷支體數句

最得肉刑緊

急處

蓋聞有虞氏之時。畫衣冠。異章服。以為戮。而民弗犯。何治之至也。今法有肉刑三。孟康曰。黥。劓。二別左。而右趾合。一凡三也。姦不止。其咎安在。毋乃朕德之薄。而教不明與。吾甚自愧。故夫訓道不純。而愚民陷焉。詩曰。愷悌君子。民之父母。今人有過。教未施而刑已加焉。或欲改行為善。而道亡繇。至朕甚憐之。夫刑至斷支體。刻肌膚。終身不息。息生也。何其刑之痛。而不德也。豈稱為民父母之意哉。其除肉刑。有以易之。及令罪人各以輕重。不亡逃。有年而免。具為令。丞相張倉御史大夫馮故奏言云云。制曰可。



白居易曰肉刑之除議其是非者多矣其欲廢者以刻膚革斷支體乖愷悌惻隱之心其欲復者以任箠令用鞭刑酷吏倚而行之則作專殺濫死之弊愚以爲議者宜徵其寔用刑者宜酌其情徵其寔則非罔人矣酌其情則適時變矣是非之辨其昭然哉

張以忠曰孝文卽位平獄緩刑德政播流因一女子言而頓除肉刑之制可謂曠代仁恕之主然易咎太重惜當時大臣少斟酌云



起語便着公卿大夫字見黃府攸歸帝之為此詔蓋恐人才壅十下而公卿蔽之于上也後世顧略于不舉之罪而特嚴乎謬舉之罰此亦可以觀世矣

詔詞有懇切頓令川岩有鼓鬣揚髦之意古稱漢世

武帝議不舉孝廉者罪詔

公卿大夫所使總方略壹統類廣教化美風俗也夫本仁祖義褒德錄賢勸善刑暴五帝三皇所繇昌也朕夙興夜寐嘉與宇內之士臻於斯路故旅耆老復孝敬旅謂加惠耆老若賓旅也復復謂優復孝弟之人也選豪俊講文學稽叅政事祈進民心祈求也深詔執事興廉舉孝庶幾成風紹休聖緒夫十室之邑必有忠信三人並行厥有我師今或至闔郡而不薦一人是化不下究而積行之君子壅於上聞也二千石官長紀綱人倫將何以佐朕燭幽隱勸元元厲蒸庶崇鄉黨之訓哉且進賢受



得人武帝爲  
盛者以此

上賞蔽賢蒙顯戮古之道也其與中二千石禮官博士議不舉孝廉者罪

陳仁子曰武帝刻於待民而厚於待士舉茂才舉孝廉舉賢良莫不有詔獨孝廉猶近周旅師書孝悌睦婣黨正書德行道藝遺意不專尚言語文辭者第爲人上者養其行於先故得其人於後帝多利欲何以率下又無成周教養之法自元光詔郡國各舉孝廉一人至元朔二十六年竟不舉一乃詔議罪帝亦可以自省矣後非得王吉路溫舒



輩自此選出則帝將何如噫舉孝廉濁如泥則責在上不專在下也帝待士以厚不能養士以厚惜哉

張以忠曰天下未嘗無賢才而患在郡國不能舉往往令篤行之士隱鱗戢翼無繇自見遂使鄉曲多譽髦而朝廷鮮碩士然此遏抑于郡國者猶可言也朝而升之宜其崇用而秉正嫉邪者則公卿大夫又從而媚疾之擯斥之彼天下士之能結主知濟國事者幾人哉蔽賢竊位從古以然明天子不懸



誅賞安所著勸懲也吾於是竊有慨云



此詔詞古鍊  
意委婉轉折  
有力

筆陡神壯

極雄健處氣  
仍悠裕自是  
博大之文

# 遣博士循行詔

日者有司以幣輕多姦幣錢也農傷而末衆又禁兼并  
之塗兼并大兼小富兼貧故改幣以約之改半兩錢行五銖錢以約奸邪稽諸  
往古制宜於今廢期有月而山澤之民未諭夫仁行  
而從善義立則俗易意奉憲者所以導之未明與將  
百姓所安殊路而橋虔吏因乘勢以侵蒸庶邪何紛  
然其擾也今遣博士大夫等六人分循行天下存問  
鰥寡廢疾無以自振業者貸與之諭三老孝弟以爲  
民師舉獨行之君子徵詣行在所朕嘉賢者樂知其  
人廣宣厥道士有特招使者之任也詳問隱處亡位



人  
與禮樂急知

及寃失職奸猾爲害野荒治苛者舉奏郡國有所以爲便者上丞相御史以聞

真德秀曰按食貨志令縣官銷半兩錢更鑄三銖錢皆以興利而褚大等之出亦爲舉兼并之徒是時張湯方用事蓋其所建請也而此詔乃以存問鰥寡舉獨行爲之辭豈其誠哉存此以見武帝詔令大抵出于空文非高文此也

張以忠曰沉雄深鍊古勁淵蒼鴻文傑筆



意工語警有  
深沉氣象  
詔雖借馬喻  
茂才其寔角  
經空冀北之  
羣亦不外此  
當時與十萬  
之師直抵大  
宛不過為一  
善馬故武帝  
好賢其能踰  
于好馬邪

下州郡求賢詔

蓋有非常之功必待非常之人故馬或奔蹏而致千

里蹏蹏也言馬不良或奔或蹏士或有負俗之累而

立功名負俗謂被世所輕也夫泛駕之馬駟弛之士亦在御之

而已泛覆也駟逐也弛廢也士行卓異不入俗檢乃見斥逐也御用也其令州縣察

吏民有茂才異等可為將相及使絕國者

馮覲曰人君求才惟其適用使必賢良方正而不

適於用國家奚賴焉觀此詔則知衛霍張

騫輩所以多得柄用而漢世得人獨盛于

武帝有以也



張以忠曰宏闊崢嶸峻邁卓越文雖不盈百字而開  
闢頓伏極有矩法漢制之最工者



賈山至言

漢曰高帝以  
來未有以書  
疏言事者山  
實始之豈非  
文帝開廣言  
路之故與  
修身于內成  
名于外正與  
修于家而壞  
于天子之庭  
相反故下云  
至秦則不然  
所以明漢之  
不然也有許  
多含蓄在  
孝文慈仁恭  
僉而山乃借

臣聞爲人臣者盡忠竭愚以直諫主不避死亡之誅  
者臣山是也臣不敢以久遠諭願借秦以爲諭唯陛  
下少加意焉夫布衣韋帶之士韋帶以單韋爲帶無飾也修身于  
內成名于外而使後世不絕息至秦則不然貴爲天  
子富有天下賦歛重數百姓任罷疲于役使赭衣半道羣  
盜滿山犯罪者衣赭衣言被罪者衆也使天下之人  
戴目而視傾耳而聽戴目者言常遠視有異志也一夫  
大諱呼天下嚮應者陳勝是也秦非徒如此也起咸  
陽而西至雍離宮三百凡言離宮者皆謂于別處置之非常所居也鐘鼓



秦為喻其言其侈靡貪暴

宜若過矣然

君臣儆戒工

在無虞之時

故禹猶以丹

朱戒舜山之

借秦豈為過

乎

帷帳不移而具又為阿房之殿殿高數十仞

阿房者殿之四

阿皆為房也

東西五里南北千步從車羅騎四馬驚馳旌

旗不撓

撓屈也言庭廣殿高眾騎馳驚無所迫觸建立旌旗不屈撓

為宮室之麗

至于此使其後世曾不得聚廬而託處焉為馳道于

天下東窮燕齊南極吳楚江湖之上瀕海之觀畢至

瀕水涯也瀕海謂緣海之邊也

道廣五十步三丈而樹厚築其外隱

以金椎

隱築也以鐵椎築之令堅實而使隆高也

樹以青松為馳道之麗

至于此使其後世曾不得邪徑而託足焉死塋乎麗

山吏徒數十萬人

吏以督領徒以役作

曠日十年

曠空也廢也言為重役空

廢時月積年歲也

下徹三泉

三重之泉言其深也

合采金石治銅錮其



三段連用三  
 個至于此使  
 其後世曾不  
 得云云但以  
 焉字結斷文  
 執似緩而實  
 急詞意似疏  
 而實密  
 至此收拾上  
 三段仍不以  
 篤禮義罪之  
 正與下文用  
 之有禮義相  
 反  
 君欲納言先  
 提數語作話

內漆塗其外被以珠玉飾以翡翠雄曰翡雌曰翠中成觀游  
 上成山林為墓薶之侈至于此使其後世曾不得蓬  
 穎蔽冢而託塋焉穎謂土塊蓬者塊土生蓬者秦以熊羆之力虎  
 狼之心蠶食諸侯并吞海內而不篤禮義故天殃已  
 加矣臣昧死以聞願陛下少畱意而詳擇其中臣聞  
 忠臣之事君也言切直則不用而身危不切直則不  
 可以明道故切直之言明主所欲急聞忠臣之所以  
 蒙死而竭知也地之磽者雖有善種不能生焉江皋  
 河瀕雖有惡種無不猥大昔者夏商之季世雖關龍  
 逢箕子比干之賢身死亡而道不用文王之時豪俊



柄亦是進言之法與篇首

盡忠竭愚意

同

欲君容言納諫故長喻曲

引無所不至

賈山謂開道

而求和顏而

受主猶不敢

自盡真說得

痛切

之士皆得竭其智芻蕘採薪之人皆得盡其力此周  
 之所以興也故地之美者善養禾君之仁者善養士  
 雷霆之所擊無不摧折者萬鈞之所壓無不糜滅者  
 今人主之威非特雷霆也勢重非特萬鈞也開道而  
 求諫和顏色而受之用其言而顯其身士猶恐懼而  
 不敢自盡又迺况于縱欲恣行暴虐惡聞其過乎震  
 之以威壓之以重則雖有堯舜之智孟賁之勇豈有  
 不摧折者哉如此則人主不得聞其過失矣弗聞則  
 社稷危矣古者聖王之制史在前書過失工誦箴諫  
 古者誦詩之工記過之  
 史常在君側箴戒也  
 瞽誦詩諫公卿比諫  
 比方事類以諫



陸宣公官唐  
德宗朝惓惓以  
改過補闕進  
規而取賈山  
聞過之論兩  
賢真異代同

士傳言諫過庶人謗于道商旅議于市然後君得聞  
其過失也聞其過失而改之見義而從之所以永有  
天下也天子之尊四海之內其義莫不為臣然而養  
三老于太學親執醬而餽執爵而醕醕音胤進食  
飲酒謂食已祝餽在前祝鰓在後餽古鰓字謂食不  
而蕩口也祝鰓在前祝鰓在後下也以老人好體  
鰓故為備公卿奉杖大夫進履舉賢以自輔弼求修  
祝以祝之公卿奉杖大夫進履舉賢以自輔弼求修  
正之士使直諫故以天子之尊尊養三老視孝也視  
日立輔弼之臣者恐驕也置直諫之士者恐不得聞  
其過也學問至于芻蕘者求善無饜也商人庶人誹  
謗已而改之從善無不聽也昔者秦政力并萬國富



承上文言秦  
不行古先王  
之道屬民自  
養而罷聞所  
以致敗  
人與之爲怨

二句說得懷  
樣可畏

有天下破六國以爲郡縣築長城以爲關塞秦地之  
固大小之勢輕重之權其與一家之富一夫之疆胡  
可勝計也然而兵破于陳涉地奪于劉氏者何也秦  
王貪狠暴虐殘賊天下窮困萬民以適其欲也昔者  
周蓋千八百國以九州之民養千八百國之君用民  
之力不過歲三日什一而籍什一謂十分之中公取一也籍謂簿籍而稅之  
君有餘財民有餘力而頌聲作秦皇帝以千八百國  
之民自養力罷不能勝其役財盡不能勝其求一君  
之身耳所以自養者馳騁弋獵之娛天下弗能供也  
勞罷者不得休息饑寒者不得衣食亡罪而死刑者



堯舜子不才不能長世而秦自以過堯舜可以萬世也上下乃言以一至萬之事  
 按縣石兩句在後八則必去之宮二字與上下偶但古人文字懶散却近自然今人不免有斧鑿痕矣  
 以下皆與先王相反所以不聞過而致敗也與上古者聖王之制

無所告訴人與之為怨家與之為讐故天下壞也秦  
 皇帝身○在○之○時○天○下○已○壞○矣○而○弗○自○知○也○秦○皇○帝○東  
 巡狩○至○會稽琅邪○刻石著其功○自以為過堯舜統縣  
 石鑄鐘虞虞音巨○縣稱也石百二十斤稱銅鐵之斤石以鑄鐘虞言其奢泰也虞獸名鐘鼓  
 之捐飾之捐飾篩土築阿房之宮篩音帥以竹篴為之自以為萬世有  
 天下也○古者聖王作謚○三四十世耳○雖堯舜禹湯文  
 武累世廣德○以為子孫基業○無過二三十世者也○秦  
 皇帝曰○死而以謚法○是父子名號○有時相襲也○以一  
 至萬則世世不相復也○故死而號曰始皇帝○其次曰  
 二世皇帝者○欲以一至萬也○秦皇帝計其功德度其



相應

天下莫敢告

也一句掉轉

亡養老六句

與古制正反

再應古者聖

王之制一段

指秦之失專

歸于此

上引詩以結

上意下引詩

以起下意

自又曰濟濟

多士至陛下

所幸耳承上

文言古之人

後嗣世世無窮然身死纔數月耳天下四面而攻之  
宗廟滅絕矣秦皇帝居滅絕之中而不自知者何也  
天下莫敢告也其所以莫敢告者何也亡養老之義  
亡輔弼之臣亡進諫之士縱恣行誅退誹謗之人殺  
直諫之士是以道諛媮合苟容比其德則賢于堯舜  
課其功則賢于湯武天下已潰而莫之告也詩曰匪  
言不能胡此畏忌聽言則對譖言則退此之謂也此  
雅桑柔之篇言賢者見事之是非非不能分別言之  
而不言者何也此但畏忌犯顏得罪罰也又言言而  
見聽則悉意答對不見信受則屏退也又曰濟濟多士  
文王以寧此大雅文王之篇濟濟多威儀也此言  
文王以多士之故能安天下天下未嘗亡士也然而



君有禮臣下  
今舉賢良方  
正千庭而與  
之馳騁弋獵  
是謂不敬未  
免有虧大業  
意

刊此方見本  
旨山規文帝  
之過專在于  
此

文王獨言以寧者何也文王好仁則仁興得士而敬  
之則士用用之有禮義故不致其愛敬則不能盡其  
心不能盡其心則不能盡其力不能盡其力則不能  
成其功故古之賢君于其臣也尊其爵祿而親之疾  
則臨視之亡數心實憂念不為禮節死則往弔哭之臨其小歛  
大歛已棺塗而後為之服錫衰麻經已棺謂已大歛也塗謂塗殯也  
錫衰十五升布無事而縷者也而三臨其喪未歛不飲酒食肉未塋  
不舉樂當宗廟之祭而死為之廢樂故古之君人者  
于其臣也可謂盡禮矣服法服端容貌正顏色然後  
見之故臣下莫敢不竭力盡死以報其上功德立于



當時之士未必皆賢也使其果賢必且禽荒有規情淫有戒意其從人主驅馳之為便而儕干虞官獵卒之伍也必不然矣  
自陛下即位至德化之成也歷叙文帝之美將以規其失

後世而令聞不忘也。今陛下念思祖考術追厥功亦術。作圖所以昭光洪業。休德使天下舉賢良方正之士。天下皆訢訢言曰。將興堯舜之道。三王之功矣。天下之士莫不精白以承休德。鴈精以今方正之士皆在為潔白。朝廷矣。又選其賢者使為常侍諸吏。與之馳毆同驅射。獵一日再三出。臣恐朝廷之解弛。百官之墮于事也。諸侯聞之。又必怠于政矣。陛下即位親自勉以厚天下。損食膳。不聽樂。減外徭衛卒。止歲貢。省廐馬。以賦縣傳賦給與也。去諸苑。以賦農夫。出帛十萬餘匹。以賑貧民。禮高年九十者一子不事。八十者二算不事。二算不事



運下數個賜  
字雅黠其德  
化處亦錯綜  
有法

民至于願少  
須臾母死其  
太平氣象

曰臣竊悼之  
曰臣竊愍之

免二口之賜。天下男子爵。大臣皆至公卿。發御府金。

賜大臣宗族亡不被澤者。赦罪人。憐其亡髮。賜之巾。

憐其衣赭。書其背。父子兄弟相見也。而賜之衣。平獄。

緩刑。天下莫不說喜。是以元年膏雨降。五穀登。此天。

之所以相陛下也。刑輕于他時。而犯法者寡。衣食多。

于前年。而盜賊少。此天下之所以順陛下也。臣聞山。

東吏布詔令。民雖老羸癰疾。扶杖而往聽之。願少須。

臾。母死。思見德化之成也。今功業方就。名聞方昭。四。

方鄉風。今從豪俊之臣。方正之士。直與之日日獵射。

擊兔伐狐。以傷大業。絕天下之望。臣竊悼之。詩曰。靡。



重致其咨嗟  
痛惜之意以

警悟人主

自此而下盡

發規本意

此欽文帝行

養老養賢之

事但唯陛下

所幸句非所

以導人主

古者大臣段

括上文意

惟無時不敬

故無不敬

議論數千言

只以此六句

不○有○初○鮮○克○有○終○臣○不○勝○大○願○願○少○衰○射○獵○以○夏○歲○  
二○月○時以十月為歲首則為夏正之二月為五月今  
定○明○堂○造○大○學○修○先○王○之○道○風○行○俗○成○萬○世○之○基○定○  
然○後○唯○陛○下○所○幸○耳○言乃可古○者○大○臣○不○媒○媒狎也故○  
君○子○不○常○見○其○齊○嚴○之○色○恭○敬○之○容○大○臣○不○得○與○宴○  
游○方○正○修○潔○之○士○不○得○從○射○獵○使○皆○務○其○方○以○高○其○  
節○則○羣○賢○莫○敢○不○正○身○修○行○盡○心○以○稱○大○禮○如○此○則○  
陛○下○之○道○尊○敬○功○業○施○于○四○海○垂○于○萬○世○子○孫○矣○誠○  
不○如○此○則○行○日○壞○而○榮○日○滅○矣○夫○士○修○之○于○家○而○壞○  
之○于○天○子○之○庭○臣○竊○愍○之○陛○下○與○衆○臣○宴○游○與○大○臣○



方正朝廷論議。夫游不失樂。朝不失禮。議不失計。軌事之大者也。

上嘉納其言

真德秀曰。按山此書專規帝與羣臣射獵而已。何至借秦爲喻。蓋秦亡養老之義。亡輔弼之臣。亡進諫之士。故窮奢極欲。陷于危亡。而不自知。文帝雖未至是。然不與近臣圖政事。而與之毆馳射獵。則佞幸進而侈欲滋其。蹈秦之失。有不難者。此忠臣防微之論。然其未復開宴遊一路。非所謂陳善閉邪也。其不得爲醇儒以是哉。



陳仁子曰開漢家受言之路者文帝也倡漢士敢言之風者賈山也秦立妖言之禁高惠不及除而文帝除之是以天下人方欲言秦蹈覆亡之轍他人不敢引而賈山引之是以天下士方敢言故山去而誼繼之誼亡而錯繼之諫章彬彬相踵漢四百年不罪言者其源蓋兆于此史謂山非醇儒夫山言養士尊老講學皆識王道大綱豈若章句儒咕咕守專門者雖不醇猶醇也他如言淮南王無罪及鑄錢之令言多激切上不



加罰噫錯不可大用而用諠可大用而不  
用至山不加罰而全不見用受難而用尤  
難哉

張以忠曰陳秦政之貪暴見當深戒援先王之禮賢  
見當取法至馳毆射獵誦言直諫尤得規  
切之義







賈誼陳政事疏

賈生治安策  
凡五千七百

有餘言讀之

憂憂惟恐其

語終不知其

煩也

生之文至矣

樂書曰歌者

上如抗下如

隊曲如折止

如葉木居中

矩句中鉤索

累乎殷如賈

珠故歌之篇

言也長言之

也說之故言

之言之不足

故長言之長

臣竊惟事執古勢可為痛哭者一。可為流涕者二。可

為長太息者六。若其他背理而傷道者。難徧以疏舉。

言不可盡進言者皆曰。天下已安已治矣。臣獨以為

未也。曰安且治者。非愚則諛。皆非事實。知治亂之體

者也。夫抱火厝音措之積薪之下。而寢其上。火未及燃。

因謂之安。方今之執。何以異此。本末舛逆。首尾衡決。

國制搶攘搶攘亂貌。非甚有紀。胡可謂治。陛下何不壹令

臣得熟數之于前。因陳治安之策。試詳擇焉。夫射獵

之娛。與安危之機。孰急。使為治。勞智慮。苦身體。乏鐘



言之不足故  
嗟歎之嗟歎  
之不足故不  
知手之舞之  
足之蹈之是  
賈生之文也

自樂與今同  
至至明也且  
是一句何等  
氣勢

治安策不為  
文帝當時說  
而文帝後世  
慮蓋已照見  
哀平之際

鼓之樂勿為可也樂與今同而加之諸侯軌道兵革  
不動軌道言民保首領匈奴賓服四荒鄉風百姓素  
朴獄訟衰息大數既得則天下順治海內之氣清和  
咸理生為明帝沒為明神名譽之美垂于無窮禮祖  
有功而宗有德使顧成之廟稱為太宗上配太祖與  
漢亡極建久安之執成長治之業以承祖廟以奉六  
親至孝也六親父母兄弟妻子也以幸天下以育羣生至仁也  
立綱陳紀輕重同得後可以為萬世法程雖有愚幼  
不肖之嗣猶得蒙業而安至明也以陛下之明達因  
使少知治體者得佐下風致此非難也其具可素陳



誼終有疎密  
大過處惟文

帝受盡言史

臣謂誼之言

亦略施行文

帝風俗好處

誼不為無助

賈生文最善  
擊虛

此文起結變  
化節節不同

于前願幸無忽臣謹稽之天地驗之往古按之當今

之務日夜念此至熟也雖使舜禹復生為陛下計十

以易此夫樹國固必相疑之執建立國秦大其勢必固相疑也下數

被其殃上數爽其憂甚非所以安上而全下也今或

親弟謀為東帝淮南厲王長親兄之子西鄉而擊謂齊悼惠王子

與居而約濟北王反欲擊取滎陽也今吳又見告矣時吳王又不循漢法有告之者天

子春秋鼎盛行義未過德澤有加焉猶尚如是况莫

大諸侯權力且十此者虘諸侯最大十倍于此然而天下少安

何也大國之王幼弱未壯漢之所置傅相方握其事

數年之後諸侯之王大抵皆冠血氣方剛漢之傅相



舜禹堯舜黃  
帝皆稽往古  
處

以下歷數  
事反覆說難  
諷文帝有以  
為  
天子而擬以  
諸侯後世豈  
敢有如此者  
然漢去古未  
遠故人臣無  
所忌諱如此

稱病而賜罷彼自丞尉以上偏置私人如此有異淮  
 南濟北之為邪此時而欲為治安雖堯舜不治黃帝  
 曰日中必焚操刀必割焚音衛日中盛者必暴焚  
也操刀不割失利之期言當  
 及時也焚謂  
暴曬之也今令此道順而全安甚易不肯早為已  
 乃墮骨肉之屬而抗劉之墮音墮頭而劉之也豈有異秦  
 之季世乎夫以天子之位乘今之時因天之助尚憚  
 以危為安以亂為治假設陛下居齊桓之處將不合  
 諸侯而匡天下乎臣又知陛下有所必不能矣假設  
 天下如曩時淮陰侯尚王楚黥布王淮南彭越王梁  
 韓信王韓張敖王趙貫高為相盧綰王燕陳豨在代



馳波濤之辯

文字妙處全

在此等冷語

按誼歷叙數

事直以帝為

不能非孝文

盛德孰能容

之

井親角材應

上高祖與諸

公併起數句

非身封王應

上高祖割膏

腴之地數句

古今文統

卷四

賈誼陳政事疏三

年

西漢

令此六七公者皆無恙當是時而陛下即天子位能  
 自安乎臣有以知陛下之不能也天下淆亂高皇帝  
 與諸公併竝起非有側室之勢以豫席之也禮卿大夫之支  
 子為側室席藉也言非有側室之勢為之資藉諸公幸者乃為中涓其次厯  
 得舍人材之不逮至遠也高皇帝以明聖威武即天  
 子位割膏腴之地以王諸公多者百餘城少者乃三  
 四十縣德至渥也然其後七年之間反者九起陛下  
 之與諸公非親角材而臣之也又非身封王之也自  
 高皇帝不能以是一歲為安故臣知陛下之不能也  
 然尚有可諉者曰疏諉者託也尚可託言信越等以疏故反故其下句曰臣請試言



又摠入一步  
設難

論侯王僭擬  
之志直洞見  
肺腑想天下  
大勢已瞭然  
在誼胸中惜  
不假以便宜

其親者親者亦恃強為臣請試言其親者假令悼惠  
亂明信等不以疏也王王齊元王王楚中子王趙幽王王淮陽共王王梁  
靈王王燕厲王王淮南六七賢人皆無恙當是時陛  
下即位能為治乎臣又知陛下之不能也若此諸王  
名雖為臣實皆有布衣昆弟之心自以為于天子為昆弟而不論君臣  
慮亡不帝制而天子自為者慮大計也言諸侯皆欲同皇帝之制度而  
為天子字擅爵人赦死辜古罪甚者或戴黃屋天子車蓋之制  
漢法令非行也雖行不軌如厲王者令之不肯聽召  
之安可致乎幸而來至法安可得加動一親戚天下  
園視而起言驚愕也陛下之臣雖有悍如馮敬者馮無擇子名忠



異口晁錯欲  
節制七國李  
殺其軀適符  
賈誼之言  
主意只在分  
親王之力而  
欲將異姓層  
疊較量

直為御史大夫奏  
淮南厲王誅之  
適啓其口七首已陷其匈矣始欲發言

節制諸侯王則  
為刺客所殺  
陛下雖賢誰與領此故疏者必危親

者必亂已然之效也其異姓負彊而動者漢已幸勝

之矣又不易其所以然同姓襲是跡而動易其所以然謂改其

法制使不然既有徵矣其執盡又復然殃禍之變未知所

移明帝處之尚不能以安後世將如之何屠牛坦一

朝解十二牛而芒刃不頓者芒刃謂利刃如豪芒頓讀曰鈍所排擊

剝割皆眾理解也解支節也至于髡髀之所非斤則斧髡髡

音寬陞髡股骨也夫仁義恩厚人主之芒刃也權

勢法制人主之斤斧也今諸侯王皆眾髡髀也釋斤



一強字領起

親疏如繩貫

文章之法尋

之無迹

此段連用五

則又反字若

以省文之法

論之似可裁

減然只如此

說更確瞻有

古意

以樊鄴絳灌

與信越之倫

反言極切

極古今之論

斧○之○用○而○欲○嬰○以○芒○刃○臣○以○為○不○缺○則○折○胡○不○用○之○  
 淮○南○濟○北○勢○不○可○也○臣○竊○跡○前○事○尋前事大○抵○疆○者○  
 先○反○淮○陰○王○楚○最○強○則○最○先○反○韓○信○倚○倚依胡○則○又○  
 反○貫○高○因○趙○資○則○又○反○陳○豨○兵○精○則○又○反○彭○越○用○梁○  
 則○又○反○用役用黥○布○用○淮○南○則○又○反○盧○縮○最○弱○最○後○  
 反○長○沙○吳乃○在○二○萬○五○千○戶○耳○功○少○而○最○完○執○疏○而○  
 最○忠○非○獨○性○異○人○也○亦○形○執○然○也○曩○令○樊○鄴○絳○灌○據○  
 數○十○城○而○王○今○雖○以○殘○亡○可○也○令○信○越○之○倫○列○為○徹○  
 侯○而○居○雖○至○今○存○可○也○然○則○天○下○之○大○計○可○知○已○欲○  
 諸○王○之○皆○忠○附○則○莫○若○令○如○長○沙○王○欲○臣○子○之○勿○殖○



此言主意自樹國固必相疑之勢許多議論皆自此意但亦明言耳至此方說出按此天下之善謀也使文帝早用其說安有七國之變哉且此說得行則何所謂斤斧者亦不必施矣至武帝始用主父偃之策諸侯得施恩子

醢則莫若令如樊鄴等欲天下之治安莫若衆建諸侯而少其力力少則易使以義國小則亡邪心令海內之勢如身之使臂臂之使指莫不制從諸侯之君不敢有異心輻湊竝進而歸命天子雖在細民且知其安故天下咸知陛下之明割地定制令齊趙楚各爲若干國設數也使悼惠王幽王元王之子孫畢以次各受祖之分地地盡而止及燕梁他國皆然其分地衆而子孫少者建以爲國空而置之須其子孫生者舉使君之諸侯之地其削頗入漢者爲徙其侯國及封其子孫也徙其侯國列侯國邑在諸侯王封內而大牙相入省則正其疆界令其隔



弟分地侯王而後諸侯王之禍熄然其卒也至于削弱已甚無以制外戚之變此矯枉過直之罪非誼之失策也

憚字與上相應特上憚字也

絕也封其子孫者封諸侯王之國邑各自封其子孫而受封之人若有罪黜其地皆入于漢故曰頗入也所以數償之一寸之地一人之衆天子無所利焉古師曰償者謂所正列侯疆界有侵諸王者則漢償之誠以定治而已故天下咸知陛下之廉地制一定宗室子孫莫慮不王下無倍畔之心上無誅伐之志故天下咸知陛下之仁法立而不犯令行而不逆貫高利幾之謀不生柴奇開章之計不萌柴奇開章皆與淮南王謀反者細民鄉善大臣致順故天下咸知陛下之義臥赤子天下之上而安植遺腹朝委裘而天下不亂植遺腹朝委裘皆有所未知也委裘若容衣天子未坐朝事先帝喪當時大治後世誦聖一動而五業附陛下誰憚而



是激怒之意  
思此懂字是  
調導之意思

病瘧跋疾之  
喻憶是甚言  
其夫今不治  
必為難除之  
患且令親者  
有不均之歎

久不為此天下之勢方病大瘡腫足一脛之大幾如  
要一指之大幾如股平居不可屈信信讀一二指脩  
身慮亡聊瘡謂動而痛也聊賴也失今不治必為錮疾錮疾堅  
後雖有扁鵲不能為已扁鵲良醫也為治也病非徒瘡也又苦  
蹠盤蹠古蹠字盤古戾字言足蹠反戾不可行也元王之子帝之從弟也  
今之王者從弟之子也惠王親兄子也今之王者兄  
子之子也親者或亡分地以安天下疏者或制大權  
以偏天子臣故曰非徒病瘡也又苦蹠盤可為痛哭  
者此病是也天下之勢方倒懸凡天子者天下之首  
何也上也蠻夷者天下之足何也下也今匈奴嫚侮



此病漢賂吏之失中言醫能治之隱然寓自任意

此數句極狀邊郡士民之苦意切至而詞慘悽

古侮字

侵掠至不敬也。為天下患至亡已也。而漢歲致

金絮采繒以奉之夷狄。徵令是主上之操也。徵召號令即主

上所操持天子共貢是臣下之禮也。足反居上首顧居下

倒縣如此。莫之能解。猶為國有人乎。非亶倒縣而已。

亶讀曰但。又類辟且病。癰。辟音璧足病癰音肥風病夫辟者一面病癰

者一方痛。今西邊北邊之郡。雖有長爵。不輕得復。雖受

高爵之賞亦不得復除逸豫五尺以上。不輕得息。言無小大皆當自為戰備斥

埃望烽燧不得臥。邊方備胡寇作萬上檣檣上作桔

有寇即火燃舉之以相告晝則燔燧夜則舉烽將吏被介胄而睡。臣故曰一

方病矣。醫能治之。而上不使可謂流涕者此也。陛下



陛下何忍數  
句讀之真可  
流涕

曰為戎人諸  
侯曰困于一

縣之衆曰直

數百里外威

令不伸皆激

怒之辭

按新書以主

匈奴之下陳

三表五節而

史削之

諫獵而種入

匈奴之下精

氣陡降

何忍以帝皇之號為戎人諸侯勢既卑辱而禍不息  
長此安窮言長養此患將何所窮極進謀者率以為是固不可解  
也亡具甚矣亡治安之具臣竊料匈奴之衆不過漢一大  
縣以天下之大困于一縣之衆甚為執事者羞之陛  
下何不試以臣為屬國之官以主匈奴行臣之計請  
必係單于之頸而制其命伏中行說而答其背說奄人也  
漢使送公主妻匈奴說不肯行疆之因以漢事告匈奴舉匈奴之衆唯上之令  
今不獵猛敵而獵田蕘不搏反寇而搏畜兔翫細娛  
而不圖大患非所以為安也德可遠施威可遠加而  
直數百里外威令不信可為流涕者此也今民賣僮



者僅為隸妾也

為之繡衣絲履偏諸緣

加牙條以作履緣偏諸若今之織成

以為要襍及標領者也古謂之車馬褊其上為乘車及騎從之象也

內之閑中

閑賣奴婢闌

是古天子后服所以廟而不宴者也

入廟則服之宴處則不着蓋貴

之而庶人得以衣婢妾白縠之表薄統之裏縫以偏

諸美者黼繡

黼者織為斧形繡者刺為衆文

是古天子之服今富人

大賈嘉會召客者以被牆古者以奉一帝一后而節

適得其節而合宜

今庶人屋壁得為帝服倡優下賤得為后

飾然而天下不屈者殆未有也

屈謂財力盡也

且帝之身自

衣阜綈而富民牆屋被文繡天子之后以緣其領庶

人襲妾

襲庶賤者

緣其履此臣所謂舛也夫百人作之不

古者以奉二句總束上二段意言齊僭之極天下財力必盡



文帝知富民而未知所以教之故具奢儉至此

描寫秦俗處情狀宛然令人有維風革弊之思

能衣一人。欲天下亡寒。胡可得也。一人耕之。十人聚而食之。欲天下亡饑。不可得也。饑寒切于民之肌膚。欲其亡為盜邪。不可得也。國已屈矣。盜賊直須時耳。然而獻計者曰。毋動。言天下安不可搖動。為大耳。好為大語者。夫俗至大不敬也。至亡等也。至冒土也。進計者猶曰。毋為可為長太息者。此也。商君遺禮義。棄仁恩。并心于進取。行之二歲。秦俗日敗。故秦人家富子壯。則出分家。貧子壯。則出贅。出作贅壻也。贅質也。家貧無有聘財。以身為質也。借父耰鋤。慮有德色。以田器借與其父而容色自矜為恩德。母取箕帚。立而諄語。許音碎。責讓也。抱哺其子。與公併倨。婦抱子而哺之。乃與其舅併倨。無禮之甚也。



文極靈動可  
喜

婦姑不相說則反唇而相稽相與計較也其慈子嗜利不

同禽獸者亡幾耳唯有慈愛其子而貪嗜財利小異于禽獸也無幾言不多也然

并心而赴時猶曰廢六國兼天下廢謂拔而取之功成求得

矣終不知反廉愧之節仁義之厚信并兼之法遂進

取之業天下大敗衆拚寡智欺愚勇威怯壯陵衰其

亂至矣是以大賢謂高祖起之威震海內德從天下天

從其曩之為秦者今轉而為漢今轉而為漢矣然其遺風餘俗猶

尚未改今世以侈靡相競而上亡制度棄禮義損廉

耻日甚可謂月異而歲不同矣逐利非耳慮非顧行

也言其所追赴惟計利與不耳今其甚者殺父兄矣

曩之為秦者今轉而為漢今轉而為漢矣然其遺風餘俗猶  
一句亦甚有  
味以下曰日  
甚曰今其甚  
音曰亡義  
之尤至又見  
益甚于秦以



盜者剽寢戶之簾

剽音輟謂割取之也

寧兩廟之器

寧音騫取也

白

畫大都之中剽吏而奪之金矯偽者出幾十萬石粟

幾近也言詐為文書以出倉粟近十萬石

賦六百餘萬錢乘傳而行郡國

又詐為詔令妄作賦歛乘傳而行郡國

此其亡行義之尤至者也而大

臣特以簿書不報期會之間以為大故至于俗流失

世壞敗因恬而不知怪慮不動于耳目以是為適然

千古庸臣讀之應亦耳熱面赤

愈寬愈緊

耳夫移風易俗使天下回心而鄉道類非俗吏之所

能為也俗吏之所務在于刀筆筐篋

刀所以削書劄筐篋所以盛書

而不知大禮陛下又不自憂竊為陛下惜之

此當為太息之

夫立君臣等上下使父子有禮六親有紀此非天



揭出筦子禮義廉耻四字為張主矯上文損廉素耻者之失

之所為。人之所設也。夫人之所設。不為不立。不植則

僵。不修則壞。植建也。筦子曰。禮義廉耻。是為四維。四

維不張。國乃滅亡。使筦子愚人也。則可。筦子而少知

治體。則是豈可不為寒心哉。秦滅四維而不張。故君

臣乖亂。六親殃戮。姦人竝起。萬民離叛。凡十二歲而

社稷為虛。虛丘。今四維猶未備也。故姦人幾幸而衆

心疑惑。幾讀。日冀。豈如今定經制。令君君臣臣。上下有差。

父子六親各得其宜。姦人無所幾幸。而羣臣衆信上

不疑惑。此業壹定。世世常安。而後有所持循矣。若夫

經制不定。是猶渡江河亡維楫。維所以繫船。楫所以刺船。中流而



首諸夏殷周

秦享國修短

之殊作一提

案

何字故字目

相呼應以下

正詳論其故

教太子一篇

此則賈生監

秦二世之患

而所請尤三

代以來首議

遇風波船必覆矣。可為長太息者此也。此三夏為天

子十有餘世。而殷受之。殷為天子二十餘世。而周受

之。周為天子三十餘世。而秦受之。秦為天子二世而

亡。人性不甚相遠也。何三代之君有道之長。而秦無

道之暴也。其故可知也。古之王者。太子迺生。迺始固

舉以禮。使士負之。有司齊肅端冕。見之南郊。見于天

也。過闕則下。過廟則趨。孝子之道也。故自為赤子而

教固已行矣。昔者成王幼在襁抱之中。召公為太保。

周公為太傅。太公為太師。保保其身體。傅傅之德義。

師道之教訓。此三公之職也。于是為置三少。皆上大



篇中所論三代輔翼之具如廟闕拜趨嚴其禮左右前後慎其選起居服八示其別東西南北備其學皆有關係世教者後來論訓儲者之祖

旬法雖從孟子來却亦變化得好

夫也曰少保少傅少師是與太子宴者也宴謂安居故迺孩提有識三公三少因明孝仁禮義以道習之逐去邪人不使見惡行于是皆選天下之端士孝悌博聞有道術者以衛翼之使與太子居處出入故太子迺生而見正事聞正言行正道左右前後皆正人也夫習與正人居之不能毋正猶生長于齊不能不齊言也習與不正人居之不能毋不正猶生長于楚之地不能不楚言也故擇其所耆必先受業迺得嘗之擇其所樂必先有習迺得為之孔子曰少成若天性習貫如自然貫亦習也及太子少長知妃色妃色妃匹之色則人子



引學禮一段  
亦是上行下  
效大道理古  
今治亂百判  
于是

曰廼生曰少  
長曰既冠見  
得頃刻不曾  
離教

學學者所學之官也。官謂官舍學禮曰帝入東學上親而  
貴仁則親疏有序而恩相及矣帝入南學上齒而貴  
信則長幼有差而民不誣矣帝入西學上賢而貴德  
則聖智在位而功不遺矣帝入北學上貴而尊爵則  
貴賤有等而下不踰矣帝入大學承師問道退習而  
考于太傅太傅罰其不則而匡其不及則德智長而  
治道得矣此五學者既成于上則百姓黎民化輯于  
下矣及太子既冠成人免于保傅之嚴則有記過之  
史。有過則記徹膳之宰。有闕則諫進善之旌。進善言者立旌下誹謗之  
木。譏惡事者書之于木敢諫之鼓。欲顯諫者則擊鼓瞽史誦詩工誦箴



按此乃古禮然亦見賈生才識高遠方有此等議論

議論循循有古風而詞采翩翩平動人

此句結上三代案方轉說入秦事甚便

論秦事皆刺骨之談

諫工習樂者大。夫。進。謀。士。傳。民。語。習。與。智。長。故。切。而。  
 不。媿。每被切磨故化。與。心。成。故。中。道。若。性。三。代。之。禮。  
 春。朝。朝。日。秋。暮。夕。月。所。以。明。有。敬。也。朝日以朝夕月以暮皆迎其初  
 也。春。秋。入。學。坐。國。老。執。醬。而。親。餽。之。所。以。明。有。孝。也。  
 行。以。鸞。和。車上鈴也步。中。采。齊。樂詩名也趣。中。四。夏。亦樂詩名趣讀曰趨  
 疾。步。也。凡。言。中。者。所。以。明。有。度。也。其。于。禽。獸。見。其。生。  
 謂。與。其。節。相。應。也。不。忍。其。死。聞。其。聲。不。食。其。肉。故。遠。庖。厨。所。以。長。恩。且。  
 明。有。仁。也。夫。三。代。之。所。以。長。久。者。以。其。輔。翼。太。子。有。  
 此。具。也。及。秦。而。不。然。其。俗。固。非。貴。辭。讓。也。所。上。者。告。  
 訐。也。固。非。貴。禮。義。也。所。上。者。刑。罰。也。使。趙。高。傳。胡。亥。



後景帝為太子時以博局提殺吳太子賢賈基異時之禍故誼懷

懷言之

總收上文論三代史秦之

異處其故可知今相應

四也字相次

文法

天下之命等

語真名世之

言

而教之獄所習者非斬剗人則夷人之三族也故胡亥今日即位而明日射人忠諫者謂之誹謗深計者謂之妖言其視殺人若艾草菅然艾讀曰刈管音兼豈惟胡亥之性惡哉彼其所以道之者非其理故也鄙諺曰不習為吏視已成事又曰前車覆後車誠夫三代之所以長久者其已事已往可知也然而不能從者是也不法聖智也秦世之所以亟亟急絕者其轍迹可見也然而不避是後車又將覆也夫存亡之變治亂之機其要在是矣天下之命懸于太子太子之善在于早諭教與選左右夫心未濫而先諭教則化易成也



誼設擇左右  
開以道術智  
義之智而文  
帝乃使晁錯  
以術教太子  
于帝號能受  
諫者而于此  
失之可歎矣

先提禮法四  
句以下言先  
王雖禮法並  
用畢竟禮是  
能使民遷善  
遠罪而不自

開于道術智誼之指則教之力也若其服習積貫則  
左右而已夫胡粵之人生而同聲者欲不異及其長  
而成俗累數譯而不能相通行者有雖死而不相為  
者言其人之行不能易事相為處則教習然也臣故曰選左右早諭  
教最急夫教得而左右正則太子正矣太子正而天  
下定矣書曰一人有慶兆民賴之周書呂刑之辭此時務也  
此當為太息之四凡人之智能見已然不能見將然將有夫  
禮者禁于將然之前而法者禁于已然之後是故法  
之所用易見而禮之所為至難知也若夫慶賞以勸  
善刑罰以懲惡先王執此之政堅如金石行此之令



知非法所能  
及也至不自  
知也止

使民不自知  
正是禮之所

為難知處

為人主計以

下言當舍刑

罰而取禮義

因舉殷周秦

事以申明之

此等文字一

筆寫來不假

安排布置

絲馬跡牽連

信如四時據此之公無私如天地耳豈顧不用哉猶顧

也然而曰禮云禮云者貴絕惡于未萌而起教于微

眇使民日遷善遠暴而不自知也孔子曰聽訟吾猶

人也必也使無訟乎為人主計者莫如先審取舍取

舍之極定于內而安危之萌應于外矣極中也萌始生也安

者非一日而安也危者非一日而危也皆以積漸然

不可不察也人主之所積在于取舍以禮義治之者

積禮義以刑罰治之者積刑罰刑罰積而民怨昔禮

義積而民和親故世主欲民之善同而所以使民善

者或異或道之以德教或毆之以法令道之以德教



不斷

氣樂風哀入  
微之言

論  
翻議  
不

置器  
生指得其解

湯武置于仁

義禮樂而安

秦王置于法

令刑罰而危

此以論周秦

者德教治而民氣樂毆之以法令者法令極而民風  
哀哀樂之感禍福之應也秦王之欲尊安廟而安子  
孫與湯武同然而湯武廣大其德行六七百歲而弗  
失秦王治天下十餘歲則大敗此亡他故矣湯武之  
定取舍審而秦王之定取舍不審矣夫天下大器也  
今人之置器置諸安處則安置諸危處則危天下之  
情與器亡以異在天子之所置之湯武置天下于仁  
義禮樂而德澤洽禽獸草木廣裕德被蠻貊四夷累  
子孫數十世此天下所共聞也秦王置天下于法令  
刑罰德澤亡一有而怨毒盈于世下憎惡之如仇讐



無絲毫走作  
且于置器之  
說又甚停妥

到此復叮嚀

數語教人主

引周秦事以

立聽言之準

詞意何等懶

測

禍幾及身子孫誅絕此天下之所共見也是非其明  
效大驗耶人之言曰聽言之道必以其事觀之則言  
者莫敢妄言今或言禮誼之不如法令教化之不如  
刑罰人主胡不引殷周秦事以觀之也此為五人主  
之尊譬如堂羣臣如陛衆庶如地故古陛九級上廉  
遠地則堂高級等也廉側隅也陛亡級廉近地則堂卑高者  
難攀卑者易陵理執然也故古者聖王制為等列內  
有公卿大夫士外有公侯伯子男然後有官師小吏  
延及廢人等級分明而天子加焉故其尊不可及也  
里諺曰欲投鼠而忌器此善諭也鼠近于器尚憚不



路馬几杖車門且然况貴臣乎

此二句結上生下是文章大關鍵處

今自以下至頓辱之哉是說為主上愈遠不敬應前

三平字疊下句法洒然意

投○恐○傷○其○器○况○于○貴○臣○之○近○主○乎○廉○耻○節○禮○以○治○君○  
子○故○有○賜○死○而○亡○戮○辱○是○以○黥○劓○之○皐○不○及○大○夫○以○  
其○離○主○上○不○遠○也○禮○不○敢○齒○君○之○路○馬○楚○其○芻○者○有○  
罰○齒謂審其齒歲也芻所食之草見○君○之○几○杖○則○起○遭○君○之○乘○車○則○  
下○入○正○門○則○趨○君○之○寵○臣○雖○或○有○過○刑○戮○之○皐○不○加○  
其○身○者○尊○君○之○故○也○此○所○以○爲○主○上○豫○遠○不○敬○也○所○  
以○體○貌○大○臣○而○厲○其○節○也○今○自○王○侯○三○公○之○貴○皆○天○  
子○之○所○改○容○而○禮○之○也○古○天○子○之○所○謂○伯○父○伯○舅○也○  
天子呼諸侯長者同姓則曰伯父異姓則曰伯舅伯長也而○今○與○衆○庶○同○黥○劓○髡○  
刑○笞○馮○音罵棄○市○之○法○然○則○堂○不○亡○陛○乎○被○戮○辱○者○不○



亦切注

矣字也字之

字亦粘點有

法

此亦有激之言

此篇十大體

尤說得十分

痛快足為周

魏漢憤

賈子以少年

英銳之才故

泰迫乎廉耻不行大臣無迺握重權大官而有徒隸

亡耻之心乎夫望夷之事二世見當以重法者投鼠

而不忌器之習也閹樂殺二臣聞之履雖鮮不加于

枕冠雖敝不以苴履世于望夷夫嘗已在貴寵之位

天子改容而禮貌之矣吏民嘗俯伏以敬畏之矣今

而有過帝令廢之可也退之可也賜之死可也滅之

可也若夫束縛之係縲之縲謂以長繩係之也輸之司寇編之

徒官司寇主刑罰之官編次列也司寇小吏詈罵而榜笞之詈音吏榜

殆非所以令衆庶見也夫卑賤者習知尊貴者之

一旦吾亦乃可以加此也知其有一旦之刑非所以習天下



其論事亦矯

矯不受羈繼

如死即死耳

賤人安得如

此之句于載

后猶覺有生

氣

豫讓以下至

厲龍臣之節

也是說厲大

臣之節應前

此即孟子犬

馬冠讐之遺

意

按此論特

假此以警悟

人主令其優

也非尊尊貴貴之化也夫天子之所嘗敬衆庶之所

嘗寵死而死耳賤人安得如此而頓辱之哉豫讓事

中行之君智伯伐而滅之移事智伯及趙滅智伯豫

讓釁面吞炭釁熏也以毒藥薰之必報襄子五起而不中人問

豫子豫子曰中行衆人畜我我故衆人事之智伯國

士遇我我故國士報之故此一豫讓也反君事讐行

若狗彘已而抗節致忠行出乎列士人主使然也故

主上遇其大臣如遇犬馬彼將犬馬自爲也如遇官

徒彼將官徒自爲也頓頓亡耻頓讀日鍾隼諾亡節隼音葉

后謂無廉耻不立且不自好自好猶言自喜也苟若而可若

志分也



禮臣察耳實則非純臣之節也不可以為訓

然故見利則逝逝往也見便則奪主上有敗則因而挺

音之矣主上有患則吾苟免而已立而觀之耳有便

吾身者則欺賣而利之耳人主將何便于此羣下至

衆而主上至少也所託財器職業者粹于羣下也粹

也言其勢悉在羣下俱亡耻俱苟安則主上最病故古者禮不

及庶人刑不至大夫所以厲寵臣之節也古者大臣

有坐不廉而廢者不謂不廉曰簠簋不飾簠簋所以盛飯也方

曰簠圓曰簋圓坐污穢淫亂男女亡別者不曰污穢曰帷薄

不修坐罷軟不勝任者不謂罷軟曰下官不職罷廢于事

也軟故貴大臣定有其罪矣猶未斥然正以諄之也

殺古之優禮大臣可謂由弱也

關轉折許多波

明之有許多

舉此意而申

句意古者大

通篇只是刑

不至大夫一

臣以下乃復

為訓



至

按此亦誼之問也域  
臆見然亦可界局也  
想見其古忠厚之遺風

尚遷就而為之諱也故其在大譴大呵之域者也譴責

按此亦誼之問也域聞譴呵則白冠鵲纓鵲音鵲○以毛作盤水

加劒造請室而請臯耳請室請罪之室如淳曰水性平若已有正罪君以平法治

之也加劒當以自劓也或曰殺牲者以盤水取頸血故示若此也上不執縛係引而

行也其有中罪者聞命而自弛中罪非大非小也弛廢也自廢而死上

不使人頸盪而加也不戾其頸而親加力錙其有大臯者聞命

則北面再拜跪而自裁自刑殺也上不使捫抑而刑之也

此下又歷叙其禮遇臣下抑謂按之也曰子大夫自有過耳子者男吾遇子有

禮矣遇之有禮故羣臣自憙憙好也子美號嬰以廉耻故

人矜節行上設廉耻禮義以遇其臣而臣不以節行

此下又歷叙其禮遇臣下抑謂按之也  
之效以歆動人主



疊下文法錯落可誦

死止不愛所托財器職業其小者矣

昭見東漢

報其上者則非人類也。故化成俗定，則為人臣者主耳忘身。唯為主耳不念其身國耳忘家，公耳忘私，利不苟就，害不苟去，唯義所在。上之化也。故父兄之臣，誠死宗廟；法度之臣，誠死社稷；輔翼之臣，誠死君上；守國扞敵之臣，誠死城郭封疆。故曰：聖人有金城者，比物此志也。比為比方也，使君臣以死社稷之志比于金城也。彼且為我死，故吾得與之俱生；彼且為我亡，故吾得與之俱存。夫將為我危，故吾得與之皆安。夫夫人也，亦猶彼人也。顧行而忘利，守節而仗義，故可以託不御之權，可以寄六尺之孤。可託權柄，不須復制也。此厲廉耻，行禮誼之所致也。主上何喪焉？于上無御也。



所失此之不爲而顧彼之久行言何不爲投鼠忌器之法而反久行無陞級之事故曰可爲長太息者此也

真德秀曰誼之書已經史氏刪削皆非全文大抵書

疏之載于史者多如是大臣入獄景帝時

周亞夫受刑則晁錯武帝初竇嬰亦下獄

棄市非自甯成始也大臣有罪自殺固免

束縛榜笞之辱然其弊大臣遭誣不敢自

愬而泯默以死故仲長統曰賈誼感絳侯

之困辱開引自裁之端自此以來遂以成

俗繼世之主生而見之習以爲常曾不之



悟嗚呼悲夫然則誼之所陳特漢法耳三代必不然也

樓

昉曰本末宏濶首尾該貫議論雖未免純駁之雜然自董仲舒以前未有言及此者文氣筆力則當爲西漢第一

林希元曰賈誼所言三代秦漢之事先王典故可以槩見真有補于治道先儒謂通達國體信矣看其詞氣多是任口成言殊不費力蓋其時去古未遠其文字不可以書生操觚綴文論也



王世貞曰賈太傅有經國之才言言著龜也其辭核而開健而飢

張以忠曰憂盛危明忠懇之至而歷指時弊更自識議卓然可勒金石真曠代奇才惜乎孝文不竟其用

又曰頓挫閤闢都從喉中暗自呼吸絕不見有段落處自覺字字靈動句句奇警偉文鉅手



過秦論

此篇蓋論始皇襲先人強大之業仁義不施不再傳而亡非所以守國也  
秦始終興亡之故盡在此篇  
秦至孝公益強盛故先述之

觀誼所稱致天下之士及尊賢重士之語考其人

秦孝公據崤函之固擁雍州之地君臣固守以窺周室有席捲天下包舉宇內囊括四海之意囊括也猶之欲盡并吞八荒之心當是時也商君佐之商君公孫鞅也內立法度務耕織脩守戰之備外連衡而闘諸侯于是秦人拱手而取西河之外孝公既沒惠王武王蒙故業因遺冊南兼漢中西舉巴蜀東割膏腴之地北收要害之郡諸侯恐懼會盟而謀弱秦不愛珍器重寶肥美之地以致天下之士合從締交相與爲一當是時齊有孟嘗趙有平原楚有春申魏有信陵此四



過蘇秦杜赫之傳宜其末

免于敗

六國之士以

下三段是一

套事為之謀

通其意制其

兵詞意相應

勢秦之強聲

勢赫濯

君者皆明智而忠信寬厚而愛人尊賢而重士約從  
 離衡并韓魏燕楚齊趙宋衛中山之眾于是六國之  
 士有寧越徐尚蘇秦杜赫之屬為之謀齊明周最陳  
 軫昭滑樓緩戰國策樓緩曾相秦翟景蘇厲樂毅之徒通其意  
 吳起孫臏帶佗兒良王廖田忌廉頗趙奢之朋制其  
 兵嘗以十倍之地百萬之眾叩關而攻秦秦人開關  
 延敵九國之師逡巡而不敢進秦無亡矢遺鏃之費  
 而天下諸侯已困矣于是從散約解爭割地而奉秦  
 秦有餘力而制其敵追亡逐北伏尸百萬流血漂鹵  
 即書血  
 流漂杵  
 因利乘便宰割天下分裂河山強國請服弱





秦昭襄五十  
二年滅西周  
莊襄元年滅  
東周谷二周  
非始皇事

以愚黔首管  
到上廢先王  
之道以弱天  
下之民管到  
上墜名城殺  
蒙俊以為固

國入朝廷及孝文王。莊襄王享國日淺。國家無事。及  
至秦王。奮六世之餘烈。孝公惠文王武王昭振長策。  
而御宇內。吞二周。河內為東周。洛都為西周。而亡諸侯。履至尊而  
制六合。執殳拊以鞭笞天下。威振四海。南取百越之  
地。越有百邑。以為桂林象郡。百越之君。俛首繫頸。委命下  
吏。乃使蒙恬北築長城而守藩籬。却匈奴七百餘里。  
胡人不敢南下而牧馬。士不敢彎弓而報怨。于是廢  
先王之道。燔百家之言。以愚黔首。墮名城。懷堅城。恐人復據。  
殺豪俊。收天下之兵。聚之咸陽。銷鋒鑄鐻。鐘鐻以爲金。  
人十二。以弱黔首之民。然後斬華為城。斷華山為城。因河



管到上斬華  
爲城而誰何  
管到上良將  
勁弩此古人  
文法今人非  
惟不能道亦  
道不到

自篇首至此  
直叙歷代之  
興亡且未有  
議論  
前屢用于是  
字見秦得天  
下之難此用  
竝起而亡秦

爲津據億丈之城臨不測之谿以爲固良將勁弩守  
要害之處信臣精卒陳利兵而誰何誰何言天下已  
定秦王之心自以爲關中之固金城千里金城言其  
子孫帝王萬世之業也秦王旣沒餘威震于殊俗然  
而陳陟陳涉名勝二甕牖繩樞之子甕牖以瓦甕爲  
樞樞戶昨隸之人而遷徙之徒也才能不及中人非有仲  
尼墨翟之賢陶朱范蠡易姓猗頓之富躡足行伍之  
阻而倔起什陌之中率罷散之卒將數百之衆轉而  
攻秦斬木爲兵揭竿爲旗天下雲集響應靡糧而景  
從山東豪俊遂竝起而亡秦族矣且夫天下非小弱



句見秦亡天下之易

此下五小段

長短相兼文

勢起伏五非

字五也字相

次而下可見

古人文法

此段千迴百

折反覆詰難

後即以仁義

不施二句結

任古人文字

有通篇不見

主意而結句

見者此類是

也

也。雍州之地，崤函之固，自若也。陳涉之位，非尊于齊也。楚、燕、趙、韓、魏、宋、衛、中山之君，鉏耰棘矜，以鉏柄及棘作予權非銛于鉤戟長鍛也。銛利也。鉤戟長鍛皆兵器。適戍之衆，非抗于九國之師；深謀遠慮，行軍用兵之道，非及鄉時之士也。然而成敗異變，功業相反也。試使山東之國與陳涉度長絜大，比權量力，則不可同年而語矣。然秦以區區之地，千乘之權，招八州而朝同列，百有餘年矣。然後以六合爲家，崤函爲宮，一夫作難而七廟墮身死，人手爲天下笑者，何也？仁義不施而攻守之勢異也。

真德秀曰：誼之論秦備述本末而斷以兩言，可謂至



矣然其意以攻守爲二塗豈知三代之得天下與守天下初無二道乎此誼之學所以襍于申韓也

鄒守益曰此論皆賈生所以道秦之過究其興亡而考其得失立論雄偉措詞高勁西漢文之傑然者

張以忠曰筆力奇邁詞調崢嶸而頓伏錯綜尤非尋常所能測度真一代文雄



鼂錯論貴粟

以堯禹形常  
時謂當時  
積木及備在  
不農因及不  
農心

深切民情足  
稱石畫後漢  
王符傳亦云  
本未不足相  
供則民安得  
不饑寒饑寒

聖王在上而民不凍饑者非能耕而食之織而衣之也爲開其資財之道也故堯禹有九年之水湯有七年之旱而國亡捐瘠者瘠瘦病也言無  
粟捐而瘦病者以畜積多而備先具也今海內爲一土地人民之衆不避湯禹加以亡天災數年之水旱而畜積未及者何也地有餘利民有餘力生穀之士未盡懇山澤之利未盡出也游食之民未盡歸農也民貧則姦邪生貧生于不足不足生于不農不農則不地著不地著則離鄉輕家民如鳥獸雖有高城深池嚴法重刑猶不能禁也夫



並至則民安  
能無奸宄奸  
宄煩多則吏  
安能無嚴酷  
嚴酷數加則  
下民無聊上  
天降災而國  
危矣讀此數  
語尤嚴  
此下一段較  
珠玉五穀

寒之于衣不待輕煖。饑之于食不待甘旨。饑寒至身  
不顧廉恥。人情一日不再食則饑。終歲不製衣則寒。  
夫腹饑不得食。膚寒不得衣。雖慈母不能保其子。君  
安能以有其民哉。明主知其然也。故務民于農桑。薄  
賦歛。廣畜積。以實倉廩。備水旱。故民可得而有也。民  
者在上所以牧之。趨利如水走下。四方亡擇也。夫珠  
玉金銀。饑不可食。寒不可衣。然而衆貴之者。以上用  
之故也。其爲物輕微。易藏在于把握。可以周海內而  
亡饑寒之患。此令臣輕背其主。而民易去其鄉。盜賊  
有所勸。亡逃者得輕資也。粟米布帛生于地。長于時。



此下一段較  
農人商賈

此段詳息農  
夫辛苦之狀  
誦之惻然

聚于力。非可一日成也。數石之重。中人弗勝。不爲奸  
邪所利。一日弗得而饑寒至。是故明君貴五穀而賤  
金玉。今農夫五口之家。其服役者不下二人。其能耕  
者不過百畝。百畝之收。不過百石。春耕夏耘。秋穫冬  
藏。伐薪樵。治官府。給繇役。春不得避風塵。夏不得避  
暑熱。秋不得避陰雨。冬不得避寒凍。四時之間。亡日  
休息。又私自送往迎來。吊死問疾。養孤長幼。在其中。  
勤苦如此。尚復被水旱之災。急政暴虐。賦歛不時。朝  
令而暮改。當其有者。半賈而賣。亡者取倍稱之息。  
償二爲  
倍稱于是有賣田宅鬻子孫以償債者矣。而商賈



大者積貯倍息。小者坐列販賣。操其奇贏。日游都市。  
乘上之急。所賣必倍。故其男不耕耘。女不蠶織。衣必  
文采。食必梁肉。亡農夫之苦。有阡陌之得。因其富厚。  
交通王侯。力過吏執。以利相傾。千里游敖。冠蓋相望。  
乘堅策肥。履絲曳綈。堅好車也此商人所以兼并農人。農  
人所以流亡者也。今法律賤商人。商人已富貴矣。尊  
農夫。農夫已貧賤矣。故俗之所貴。主之所賤也。吏之  
所卑。法之所尊也。上下相反。好惡乖迕。而欲國富法  
立。不可得也。方今之務。莫若使民務農而已矣。欲民  
務農。在于貴粟。貴粟之道。在于使民以粟為賞罰。今

莫若使民務  
農而已一篇  
主意全在此  
一句



從前至此始  
翻出使民務

農二句與前

朱盡歸農句

相應而又說

到貴樂又說

到以粟為賞

罰而後歸結

在拜爵除罪

二節上此一

段收上起下

此言入粟尤

勝于車騎之

功皆欲民務

農之意

募天下入粟縣官得以拜爵得以除罪如此富人有  
爵農民有錢粟有所漂也夫能入粟以受爵皆有  
餘者也取于有餘以供上用則貧民之賦可損所謂  
損有餘補不足令出而民利者也順于民心所補者  
三一曰主用足二曰民賦少三曰勸農功今令民有  
車騎馬一匹者復卒三人車騎者天下武備也故為  
復卒神農之教曰有石城十仞湯池百步帶甲百萬  
而亡粟弗能守也以是觀之粟者王者大用政之本  
務令民入粟受爵至五大夫以上廼復一人耳此其  
與騎馬之功相去遠矣爵者上之所擅出于口而無



古今文系  
以粟字粟字  
雙關收上甚  
有歸束

窮○粟○者○民○之○所○種○生○于○地○而○不○乏○夫○得○高○爵○與○免○罪○  
人○之○所○甚○欲○也○使○天○下○人○入○粟○于○邊○以○受○爵○免○罪○不○  
過○三○歲○塞○下○之○粟○必○多○矣○

唐順之曰文律甚嚴

黃汝亨曰農人所以流亡者也以前字字可涕

張以忠曰晁大夫論奏最是經國名識但拜爵除罪  
以求足國裕民恐古帝王生財之道不如  
是也所云貴粟之道在于使民以粟爲賞  
罰者其然豈其然乎







